

3-րդ շաբաթ

Թեմա՝ «Իմ առօրյան»

Ա. Ստորև տրված հարցերի օգնությամբ կառուցել 5-10 բույսերի տևողությամբ բանավոր տեքստ և ներկայացնել այն լսարանին:

Հարցեր՝

1. Ի՞նչ է ձեր անունը:
2. Ի՞նչ մասնագիտություն ունեք կամ ինչո՞վ եք զբաղվում:
3. Ինչպե՞ս է սովորաբար սկսվում օրը:
4. Ինչե՞ր եք հասցնում անել մինչև կեսօր:
5. Որտե՞ղ և ու՞մ հետ եք ճաշում սովորաբար:
6. Ի՞նչ եք անում ճաշից հետո՝ մինչև երեկո:
7. Որտե՞ղ և ու՞մ հետ եք ընթրում սովորաբար:

8. Ինչո՞վ եք զբաղվում երեկոյան:
9. Ի՞նչը կցանկանայիք փոխել ձեր առօրյայում:
10. Ի՞նչ քայլեր եք անում կամ ի՞նչ պիտի անեք ձեր երազած առօրյայով ապրելու համար:

Տեքստ կազմելիս ըստ ցանկության օգտվել առաջարկվող բառերից, բառակապակցություններից և այլ արտահայտություններից:

Կիրառելի բառեր և արտահայտություններ`

առավոտյան	արթնանալ	աշխատանք
երեկոյան	հագնվել	ավտոբուս
կեսօրին	լվացվել	մետրո
Նախաճաշ	դպրոց	տաքսի
ճաշ	համալսարան	ժամանց
ընթրիք		

Բ. Յուրաքանչյուր ուսանողի ներկայացրած տեքստի հիման վրա, այլ տեղեկություններ ստանալու կամ տրված տեղեկությունը ճշգրտելու նպատակով տալ և ստանալ լրացուցիչ հարցեր` երկխոսելով մյուս ուսանողների հետ:

Բնագրի նմուշ` 1

Ամեն առավոտ ես արթնանում եմ շուտ, որպեսզի գնամ դպրոց: Չազնվում եմ, նախաճաշում եմ և ատամներս եմ լվանում: Ես կուզեի, որ ամեն օր դպրոց չլիներ, ու շուտ չարթնանայի:

Ես իմ եղբոր հետ գնում եմ դպրոց ավտոբուսով: Լինում են օրեր, որ վազում ենք, որովհետև կամ մենք ենք ուշանում, կամ ավտոբուսն է շուտ գալիս: Իմ բախտը բերել է, որովհետև մեր նույն ավտոբուսից օգտվում են իմ ընկերուհին` Գոհարն ու իր եղբայրը, ով իմ եղբոր ընկերն է: Մեր եղբայրները նույն դասարանում են սովորում: Մեր ավտոբուսը կանգնում է դպրոցի մոտ, բայց մենք էլի պետք է քայլենք, որ հասնենք:

Սովորաբար շուտ ենք հասնում դպրոց: Ես կուզեի ավելի քիչ դասեր անել դպրոցում, ավելի քիչ տնայիններ անել, և որ դպրոցը

տւեր ոչ թե վեց ժամ, այլ չորս կամ երեք: Ես կարծում եմ, որ աշխարհի բոլոր երեխաները ինձ հետ համաձայն կլինեն:

Երբ գալիս եմ տուն, մի քիչ հանգստանում եմ, տնայիններս եմ անում: Լինում են օրեր, երբ շատ տնայիններ եմ ունենում, կան օրեր, երբ քիչ են տնայինները: Ես սիրում եմ իմ ազատ ժամերին գրքեր կարդալ կամ իջնել բակ ու գնդակ խաղալ:

Ինձ ամենաշատ դուր եկած պահը երեկոն է, որովհետև այդ ժամանակ կարող եմ հանգստանալ:

Աղբյուր՝ viktoriaani.wordpress.com/2015/11/26/իմ-անօրյան/